



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

12 Maiu 2014

JSMP realiza semináriu ba estudante Sekundaria Nú. I Lospalos

Iha 7 Maio 2014 JSMP liuhusi Unidade Justisa ba Feto (WJU) halo semináriu ba estudante ensinu sekundáriu feto iha Eskola Sekundáriu Nú. I Lospalos. Semináriu ne'e ho tema "*Enkoraja estudante feto hodi hili fakuldade direitu bainhira akaba sira-nia estudu*".

Estudante feto hamutuk na'in 20 mak partisipa iha semináriu ne'e, no aprende kona-ba knaar autór tribunál hanesan juis, prokuradór, defensor no advogadu. Aleinde ne'e, sira aprende mós kona-ba Lei Kontra Violénsia Doméstika no Kódigu Penál.

Objetivu husi semináriu ne'e atu motiva estudante feto sira hodi hili fakuldade direitu iha universidade bainhira sira remata estudu iha eskola sekundaria. Aleinde hasa'e kuiñesementu kona-ba sira nia direitu liga ho prosedimentu legal iha sistema justisa formal.

"Programa ne'e nu'udar estratejia JSMP hodi introdus no konsensializa estudante feto sira kona-ba papel estratejiku husi autór judisióriu sira, liu-liu partisipasaun feto no asegura iha balansa entre autór judisiáriu feto no mane iha setór justisa formal," dehan Diretor JSMP Luis de Oliveira Sampaio.

Materia ba semináriu ne'e kobre asuntu direitu umanu, Lei Kontra Violénsia Doméstika, klasifikasaun krime, papel juis, prokurador, defensor, advogadu privadu, polisia no sociedade sivíl ne'ebé fo assistensia ba vítima kazu violénsia bazeia ba jéneru (VBJ).

Mesmu semináriu ne'e realiza ho lora sorin deit maibé la hamihis entusiasmu husi estudante sira nian hodi ativu husu perguntas no klarifikasaun ba materia ne'ebé mak apresenta husi ekipa JSMP.

Diretór eskola sekundaria Nú. I Lospalos Sr. Reinaldo Juvinal da Costa iha nia abertura sente haksolok ho prezensa JSMP nian iha sira nia eskola tanbá bele fahe informasaun kona-ba direitos umanu, prosedimentu legal, knaar autór judisiáriu no mekanismu asesu ba justisa nian nune'e bele kompleta liutan materia ne'ebé alunas sira hetan iha sira nia eskola liu-liu materia direitu umanu. Aleinde ne'e, nia mos husu ba estudante sira atu tuir ho diak no fo atensaun masimu nune'e bele hatene didiak informasaun ne'ebé JSMP hato'o no bele hatutan ba maluk sira ne'ebé la tuir seminariu ne'e.

Iha sesaun enseramentu diretór eskola refere, husu ba JSMP hodi kontinua realiza programa semináriu ne'e ba sira nia eskola nomos ba eskola sira seluk hodi nune'e bele aumenta estudante sira nia kuñesimantu iha parte justisa.

Programa semináriu ne'e realiza ho apoiu finanseiru husi **The Royal Norwegian Embassy** iha Jakarta, Indonézia.

Atu hetan informasaun kompleitu, favor kontaktu:

Luis de Oliveira Sampaio

Diretór Ezekutivu JSMP

Diresaun e-mail: luis@jsmp.minihub.org

info@jsmp.minihub.org

Telefone:3323883 | 77295795

Website: www.jsmp.tl

Face book: www.facebook.com/timorleste.jsmp

Twitter: @JSMPTl